

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA

Broj: T04 0 KT 0064548 25
Zenica, 19.11.2025. godine

OPĆINSKOM SUDU U VISOKOM
- Sudiji za prethodno saslušanje –
VISOKO

Na osnovu člana 45. stav 2. tačka i) i člana 241. stav 1. ZKP-a F BiH, p o d i ž e m

O P T U Ž N I C U

Protiv:

P. M...., osuđivan,

Što je:

dana 11.06.2025. godine oko 11,00 sati, u gradu Visoko, pozvao O. B. da dođe na šetalište zvano „...“, gdje je kada je ova došla, naročito drskim i bezobzirnim ponašanjem i nasiljem prema drugom ugrozio građanski mir, a što je i htio, na način da je od nje uzeo mobilni telefon, te iz njega izvadio karticu, te je bacio u rijeku Bosnu, nakon čega je B. uhvatio za glavu i za kosu, te je jako stisnuo za ruke i izgrebao po rukama i pokušao je na silu poljubiti, nanijevši joj time lake tjelesne ozljede u vidu oguljotine i krvnog podliva na lijevoj podlaktici, a kada se ova otimala, prijetio joj je da će je baciti u vodu i da će je voditi u svoj stan, pa kada je jedan prolaznik naišao i rekao M. „Kako možeš dirati ženu, pusti je“, tek ju je tada pustio,

čime je počinio krivično djelo nasilničko ponašanje iz člana 362. stav 2. u vezi sa stavom 1. KZ F BiH.